



Broj: 09/2-16-8-14413-27/22
Sarajevo, 19. 10. 2022. godine

Na osnovu člana 64. stav (1) tačka b), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te preporuke Komisije za javne nabavke utvrđene u Zapisniku broj: KJN-16-8-14413-26/22 od 07.10.2022. godine, u otvorenom postupku javne nabavke usluga posredovanja u prodaji avionskih karata za potrebe Ministarstva inostranih poslova BiH, **d o n o s i m:**

ODLUKU **o izboru najpovoljnijeg ponuđača**

I

Ponuđač "**Kompas Sarajevo**" d.o.o. Sarajevo sa ponudom broj: 185/22 od 20.07.2022. godine, proglašava se najpovoljnijim, te se imenovanom ponuđaču dodjeljuje okvirni sporazum za posredovanje u prodaji avionskih karata za potrebe Ministarstva inostranih poslova BiH.

II

Ova odluka će se objaviti na web-stranici MIP-a BiH, www.mvp.gov.ba, istovremeno sa upućivanjem ponuđačima koji su učestvovali u postupku javne nabavke, u sve u skladu sa članom 70. stav 6. Zakona o javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 09/2-16-8-14413-1/22 od 18.04.2022. godine, u kojoj je utvrđeno da procijenjena vrijednost javne nabavke iznosi 400.000,00 KM bez PDV-a.

Obavještenje o nabavci, broj: 253-1-2-22-3-10/22, objavljeno je na Portalu javnih nabavki dana, 01.06.2022. godine, a sažetak obavještenja o nabavci objavljen je u "Službenom glasniku BiH", broj: 39/22 od 17.06.2022. godine, na osnovu kojeg je proveden otvoreni postupak javne nabavke usluga posredovanja u prodaji avionskih karata za potrebe Ministarstva inostranih poslova BiH, i to kao međunarodni poziv za dostavljanje ponuda, obzirom na procijenjenu vrijednost.

Analizom dokumentacije pristiglih ponuda, te suštinskom provjerom sadržaja i validnosti iste, Komisija je utvrdila sljedeće:

- ponude ponuđača „V.I.P. Travels“ d.o.o. Sarajeva i „Centrotrans“ a.d. Sarajevo ispunjavale su formalno-pravne, ekonomske i tehničke zahtjeve Ministarstva inostranih poslova BiH, te su iste bile prihvatljive i mogle su biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom,

- u ponudi ponuđača „Kompas Sarajevo“ d.o.o. Sarajevo je ustanovljena računska greška u Obrascu za cijenu ponude - Aneks 3, u koloni „Ukupna cijena po stavki bez PDV-a“, gdje je umjesto ukupne cijene po stavki 2. Obrasca, koja je trebala da iznosi 3.419,00 KM i stavki 4. u iznosu od 17.095,00 KM, stajala jedinična cijena za stavku 2. u iznosu od 34,19 KM i za stavku 4. u iznosu 34,19. Ukupna cijena ponude je prema jediničnim cijenama bila tačna i ista je iznosila 20.514, KM. Komisija je upitom od navedenog ponuđača zatražila ispravku pomenute greške, a sve u skladu sa članom 68. stav (4) tačka g),
- ponuda ponuđača „World Travel and Tours“ St. Louis, USA nije ispunjavala formalno-pravne, ekonomske i tehničke zahtjeve Ministarstva inostranih poslova BiH i samim tim je ista odbačena i
- ponuda ponuđača „Mrkulić Company“ d.o.o. Ilidža, Sarajevo je takođe bila odbačena iz razloga što dokaz tražen pod tačkom 5.3.2. tačka b) – Uvjerenje o akreditaciji - IATA nije bio ovjeren, kako je to traženo tačkom 5.3.3. tenderske dokumentacije.

Ministarstvo inostranih poslova BiH je zaprimilo izjašnjenje ponuđača „Kompas Sarajevo“ d.o.o. Sarajevo, u kome prihvata računsku grešku ustanovljenu od strane Komisije i potvrđuje da ukupna cijena njegove ponude iznosi 20.514,00 KM, a na osnovu koga je Komisija, u skladu sa tačom 7.1. tenderske dokumentacije, kojom je utvrđen kriterij za dodijelu ugovora „najniža cijena“, konstatovala da su se za proceduru provođenja e-aukcije kvalifikovali sljedeći ponuđači:

1. „Kompas Sarajevo“ d.o.o. Sarajevo, sa ukupnom cijenom ponude u iznosu od 20.514,00 KM bez PDV-a,
2. „V.I.P. Travels“ d.o.o. Sarajeva, sa ukupnom cijenom ponude u iznosu od 22.217,00 KM bez PDV-a,
3. „Centrotrans“ a.d. Sarajevo, sa ukupnom cijenom ponude u iznosu od 70.000,00 KM bez PDV-a i da je iste potrebno pozvati na učešće u e-aukciji.

U skladu sa članom 3.6. tenderske dokumentacije dana, 29.07.2022. godine, provedena je e-aukcija i na osnovu Izvještaja o toku i završetku e-aukcije, Komisija je konstatovala da su kvalifikovani ponuđači promijenili prvobitno ponudene ukupne cijene ponuda. S tim u vezi, konačna rang lista ponuđača je bila sljedeća:

1. „V.I.P. Travels“ d.o.o. Sarajeva, sa ukupnom cijenom ponude u iznosu od 0,01 KM bez PDV-a,
2. „Centrotrans“ a.d. Sarajevo, sa ukupnom cijenom ponude u iznosu od 2.749,00 KM bez PDV-a i
3. „Kompas Sarajevo“ d.o.o. Sarajevo, sa ukupnom cijenom ponude u iznosu od 4.800,00 KM bez PDV-a.

Cijenjeći prethodno navedeno, Komisija za provođenje postupka javne nabavke usluga posredovanja u prodaji avionskih karata za potrebe Ministarstva inostranih poslova BiH, na osnovu člana 64. stav (1) tačka b) Zakona o javnim nabavkama BiH („Službeni glasnik“, broj: 39/14), jednoglasno je dala preporuku ministrici inostranih poslova BiH da donese:

Odluku o dodijeli okvirnog sporazuma ponuđaču „V.I.P. Travels“ d.o.o. Sarajeva, kao prvoplasiranom i najpovoljnijem na rang listi, čija ukupna cijena ponude iznosi 0,01 KM bez PDV-a.

U skladu sa donesenom preporukom Komisije, Odsjek za opšte poslove, arhiv i dokumentaciju je sačinio i prosljedio u Kabinet ministrice na potpis Odluku o izboru najpovoljnijeg ponuđača, broj: 09/2-16-8-14413-13/22, kojom se prvoplasiranom ponuđaču „V.I.P. Travels“ d.o.o. Sarajevo dodjeljuje ugovor o nabavci usluga posredovanja u prodaji avionskih karata za potrebe Ministarstva inostranih poslova BiH.

Ministrica inostranih poslova BiH je sačinjenu Odluku vratila nadležnom Odsjeku i aktom broj: 01-16-8-14413-14/22 od 08.08.2022 godine, izrazila rezevu na donosenu preporuku od strane Komisije, ističući da Zapisnikom, broj: KJN-16-8-14413-12/22 od 29.07.2022. godine je evidentno da Komisija nakon obavljene e-aukcije nije zatražila pojašnjenje neprirodno niske cijene prvoplasiranog ponuđača, u skladu sa članom 66. Zakona o javnim nabavkama („Službeni glasnik BiH“, broj: 39/14).

Odsjek za opšte poslove, arhiv i dokumentaciju je dana, 09.08.2022. godine, dostavljeni akt prosljedio Komisiji na dalje postupanje. U skladu sa izraženom rezervom ministrice, Komisija je postupajući po članu 66. Zakona o javnim nabavkama („Službeni glasnik BiH“, broj: 39/14) i članu 17. Uputstva za pripremu modela tenderske dokumentacije i ponuda dopisom broj: KJN-16-8-14413-16/22 od 10.08.2022. godine, od prvoplasiranog ponuđača „V.I.P. Travels“ d.o.o. Sarajevo zatražila pojašnjenje neprirodno niske cijene.

Dana, 17.08.2022. godine Ministarstvo inostranih poslova BiH je pravovremeno zaprimilo pojašnjenje neprirodno niske cijene od prvoplasiranog ponuđača „V.I.P. Travels“ d.o.o. Sarajevo, koje većinskom odlukom članovi Komisije odbacuju, jer isto ne sadrži sve elemente koji su propisani članom 66. stav (2) Zakona o javnim nabavkama („Službeni glasnik BiH“, broj: 39/14), naročito imajući u vidu elemente cijene od 0,01 KM, što je ponuda prvoplasiranog ponuđača nakon provedenog postupka e-aukcije. Imajući u vidu ponuđenu cijenu Komisija je smatrala da se iznos ne može tretirati kao cijena usluge i da ponuđač suštinski svoje usluge pruža besplatno.

Ocijenivši ponudu ponuđača „V.I.P. Travels“ d.o.o. Sarajevo neprihvatljivom u skladu sa članom 66, stav (1) Zakona o javnim nabavkama („Službeni glasnik BiH“, broj: 39/14), Komisija je konstatovala novu rang listu ponuđača, a koja je glasila:

1. „Centrotrans“ a.d. Sarajevo, sa ukupnom cijenom ponude u iznosu od 2.749,00 KM bez PDV-a i
2. „Kompas Sarajevo“ d.o.o. Sarajevo, sa ukupnom cijenom ponude u iznosu od 4.800,00 KM bez PDV-a.

Nakon konstatovane konačne rang liste ponuđača, a imajući u vidu da je ukupna cijena ponude ponuđača „Centrotrans“ a.d. Sarajevo, kao prvoplasiranog ponuđača, za više od 20% niža od ukupne cijene drugoplasiranog ponuđača „Kompas Sarajevo“ d.o.o. Sarajevo, Komisija je u skladu sa članom 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) donijela odluku da od navedenog ponuđača zatraži pojašnjenje neprirodno niske cijene njegove ponude.

Dana, 07.09.2022. godine, Ministarstvo inostranih poslova BiH je pravovremeno zaprimilo pojašnjenje neprirodno niske cijene od prvoplasiranog ponuđača „Centrotrans“ a.d. Sarajevo, za koje je Komisija smatrala da isto nije osnovano obrazloženo, tj. ne sadrži detaljne elemente cijene ponude, kao ni razloge ponuđene cijene, kako je propisano članom 66. Zakona o javnim nabavkama („Službeni glasnik BiH“, broj: 39/14), zbog čega je većina članova Komisije ponudu ponuđača „Centrotrans“ a.d. Sarajevo smatrala neprihvatljivom.

Komisija je većinom glasova donijela odluku da i od ponuđača „Kompas Sarajevo“ d.o.o. Sarajevo zatraži obrazloženje neprirodno niske cijene u skladu sa članom 66. Zakona o javnim nabavkama („Službeni glasnik BiH“, broj: 39/14).

Dana, 05.10.2022. godine, Ministarstvo inostranih poslova BiH je pravovremeno zaprimilo pojašnjenje neprirodno niske cijene od strane ponuđača „Kompas Sarajevo“ d.o.o. Sarajevo, koje Komisija jednoglasno prihvata i smatra da je isto osnovano i obrazloženo u skladu sa članom 66. Zakona o javnim nabavkama („Službeni glasnik BiH“, broj: 39/14).

Cijenjeći prethodno navedeno, Komisija za provođenje postupka javne nabavke usluga posredovanja u prodaji avionskih karata za potrebe Ministarstva inostranih poslova BiH, na osnovu člana 64. stav (1) tačka b) Zakona o javnim nabavkama BiH („Službeni glasnik“, broj: 39/14), jednoglasno je dalo preporuku ministrici inostranih poslova BiH da donese:

Odluku o dodijeli okvirnog sporazuma ponuđaču “Kompas Sarajevo” d.o.o. Sarajevo, kao prvoplasiranom prihvatljivom ponuđaču, čija ukupna cijena ponude iznosi 4.800,00 KM bez PDV-a.

Na osnovu svega navedenog, odlučeno je kao u dispozitivu.

PRAVNA POUKA:

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema i to u pisanoj formi, u dovoljnom broju primjeraka, a koji ne može biti manji od tri. Žalba se podnosi putem MIP-a BiH.



DOSTAVITI:

1. Ponuđačima,
2. Komisiji za javne nabavke,
3. Odsjeku za opšte poslove, arhiv i dokumentaciju
4. a/a.